

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 59. sjednici, održanoj 06.04.2012. godine, d o n o s i

ZAKLJUČAK

I.

Utvrđuje se Prijedlog Zakona o izmjenama i dopuni Zakona o predškolskom odgoju i obrazovanju.

II.

Prijedlog Zakona iz tačke I. ovog zaključka upućuje se u dalju skupštinsku proceduru po hitnom postupku.

III.

Zaključak stupa na snagu danom donošenja.

Broj: 02-_____/12.
Datum, 06.04.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

PRIJEDLOG

**Bosna i Hercegovina
Federacija Bosne i Hercegovine
Zeničko-dobojski kanton
Ministarstvo za obrazovanje, nauku, kulturu i sport**

**ZAKON
O IZMJENAMA I DOPUNI ZAKONA O PREDŠKOLSKOM ODGOJU I
OBRAZOVANJU**

Zenica, mart/ožujak 2012. godine

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na _____ sjednici održanoj _____. 2012. godine, d o n o s i

ZAKON O IZMJENAMA I DOPUNI ZAKONA O PREDŠKOLSKOM ODGOJU I OBRAZOVANJU

Član 1.

(Korištenje naziva vrtić, obdanište)

U Zakonu o predškolskom odgoju i obrazovanju („Službene novine Zeničko-dobojskog kantona“, broj: 7/10), član 19., mijenja se i glasi:

„Član 19.

(Jaslice, vrtić, obdanište)

(1) Sa stanovišta oblika organiziranja, predškolski odgoj i obrazovanje ostvaruje se u jaslicama za djecu od šest mjeseci do navršene treće godine života i u vrtiću, odnosno obdaništu od navršene treće godine života sve do polaska u osnovnu školu.

(2) U ovom zakonu imenice vrtić i obdanište, jednako se primjenjuju u odgovarajućem rodu, broju i padežu.“

Član 2.

(Prelazak na obavezno predškolsko obrazovanje)

U članu 60., riječi: „2011/2012. godine“, zamjenjuju se riječima: „2012/2013. godine.“.

Član 3.

(Ovlašćenje za utvrđivanje prečišćenog teksta Zakona)

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o predškolskom odgoju i obrazovanju.

Član 4.

(Stupanje na snagu)

Zakon stupa na snagu narednog dana, od dana objavljivanja u „Službenim novinama Zeničko-dobojskog kantona“.

Broj: _____/12.
Zenica, _____ 2012. godine

PREDSJEDAVAJUĆI
Miralem Galijašević

O B R A Z L O Ž E N J E

Pravni osnov:

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona,

Razlozi za donošenje zakona:

Okvirnim Zakonom o predškolskom odgoju i obrazovanju u BiH, sa kojim je usaglašen i Kantonalni **Zakon o predškolskom odgoju i obrazovanju**, („Službene novine Zeničko-dobojskog kantona“, broj: 7/10), utvrđena je važna zakonska obaveza finansiranja obaveznog programa predškolskog odgoja i obrazovanja u trajanju **od 150 sati**, i to za plaće, topli obrok i prijevoz izvršilaca tog programa, uključujući i dio sredstava za nabavku dijela didaktičkog materijala kao i pripremu na opremanju prostora za realizaciju ovog dijela programa na području Kantona. S obzirom na činjenicu da je **članom 60. Zakona o predškolskom odgoju i obrazovanju, kao godina prelaska na obavezno predškolsko obrazovanje predviđena školska 2011/2012., te da zbog postojećih objektivnih recesijskih okolnosti nije izvjesno osiguranje potrebnih sredstava u Budžetu Kantona za 2012. godinu, predložena je izmjena početka primjene obaveznog predškolskog obrazovanja za školsku 2012/2013. godinu**. Naime, u tom periodu realno je očekivati bolje sagledavanje svih obaveza Kantona po osnovu početka primjene obaveznog predškolskog obrazovanja, zatim analizu uporednih iskustava iz okruženja, ali i planiranih opremanja objekata u kojima će se realizirati predškolsko obrazovanje, posebno u ruralnim područjima. Pored ove važne izmjene, uporedno je predložena i izmjena postojećeg člana 19. Zakona, u smislu da se imenice vrtić i obdanište, (koje u suštini predstavljaju sinonime), adekvatno primjenjuju u odgovarajućem rodu, broju i padežu, jer je prilikom donošenja osnovnog zakona, u oba prijevoda (bosanski/hrvatski), ostala u primjeni samo imenica „vrtić“, a što u aktuelnoj praksi usaglašavanja i reverifikacije postojećih predškolskih ustanova upisanih u registrima kao „obadništa“ može predstavljati dodatne i neplanirane troškove za osnivače. S tim u vezi napominjemo da nije postojala potreba izmjene većeg dijela odredbi Zakona o predškolskom odgoju i obrazovanju („Službene novine Zeničko-dobojskog kantona“, broj: 7/10), tako da nije ni došlo do izrade u potpunosti novog zakona, nego je izrađen Prijedlog Zakona o izmjenama i dopuni važećeg Zakona, a koji je prema mišljenju obrađivača, predstavlja zadovoljavajući pravni okvir za adekvatnu pripremu nastavka započetih reformskih promjena u oblasti predškolskog odgoja i obrazovanja. Također napominjemo da je i usvojenim **Programom rada za 2012. godinu, u martu mjesecu i predviđeno usvajanje ovog prijedloga zakona po hitnom postupku**, te s obzirom na činjenicu da je neophodno da predložene izmjene i dopuna stupe na snagu u tekućoj školskoj godini, mišljenja smo da su se stekli uvjeti za razmatranje ovog zakona **po hitnom postupku**.

Obrazloženje pravnih rješenja:

Prijedlogom Zakona o izmjenama i dopuni Zakona o predškolskom odgoju i obrazovanju, preciziraju se i poboljšavaju određena rješenja iz važećeg Zakona koja se posebno odnose na:

- **Korištenje izraza vrtić i obdanište u odgovarajućem rodu, broju i padežu,**
- **Početak primjene obaveznog dijela predškolskog odgoja i obrazovanja u trajanju od 150 sati,**
- **Davanju ovlaštenja Zakonodavno-pravnoj komisiji Skupštine da utvrdi prečišćeni tekst Zakona,**
- **Stupanje na snagu Zakona.**

Obrazloženje pojedinih zakonskih rješenja:

Članom 1. utvrđuje se jednako korištenje imenica vrtić i obdanište u odgovarajućem rodu, broju i padežu.

Članom 2. redefiniše se početak uvođenja obaveznog dijela predškolskog odgoja i obrazovanja u trajanju od 150 sati za svu djecu u godini pred polazak u osnovnu školu.

Članom 3. daje se ovlašćenje Zakonodavno-pravnoj komisiji Skupštine Kantona da sačini prečišćeni tekst Zakona.

Članom 4. definiše se stupanje na snagu Zakona.

Finansijski pokazatelji:

S obzirom da donošenje ovog zakona, prije svega predstavlja izvjesna preciziranja i poboljšanja određenih rješenja iz važećeg Zakona o predškolskom odgoju i obrazovanju („Službene novine Zeničko- dobojskog kantona“, broj: 7/10), zasnovana upravo na razlozima osiguranja potrebnih sredstava u dijelu finansiranja obaveznog dijela predškolskog obrazovanja, mišljenja smo da njegovo usvajanje i **primjena neće zahtijevati dodatna finansijska sredstva odnosu na planirani Budžet Zeničko-dobojskog kantona za 2012.godinu.**

Stoga predlažemo Skupštini Zeničko-dobojskog kantona da razmotri Prijedlog Zakona o izmjenama i dopuni Zakona o predškolskom odgoju i obrazovanju **po hitnom postupku.**

MINISTRICA
Bernadeta Galijašević, prof.